

# mainatges d'òc **PLUMALHON**

(5,70 €)

ISSN 1264-6733



La piscicultura



**(Lo caqui**

**Los Minons**





# Trochas dels rius



**D**e segur, per aquò far, cal d'aiga e mai d'un bacin. Cal pas mesclar los peisses adultes amb los peisses joves que pesan pas que quelques gramas.

Las trochas son goludas. Los adultes aurián lèu engolats los pichons, los alevins.

Un o dos còps per jorn, lo piscicultor apastura los peisses. Lor balha de granulats faches amb de farina.

**Thierry es un piscicultor jove qu'abalís de trochas pels pescaires dels Pirenèus.**







**A** mièg mes de novembre, amb sos collègas, Thierry davala dins los bacins e arremosa las trochas amb un grand fialat.

Un còp atrapadas, voja lo fialat dins un bacin plen d'aiga ont an mes d'alcoòl tanben. La mescla d'aiga e d'alcoòl endòrm los peisses. Fa coma un anesthetic. Los peisses seràn de melhor manipular e lor poiràn tirar los uòus.



Seleccionan las trochas femèlas que son prèstas a pondre. Per aver los uòus, lor cal cachar sul ventre. E o cal far vistament.



**A** puèi, Thierry atrapa qualques mascles. Lor catcha sul ventre tanben per far sortir un liquide blanc : lo lach. Es aital que s'apèla lo semen dels peisses ont se tròban los espermatozòides. Son eles que van fecondar los uòus. La fecondacion se fa en un quart d'ora.



Tèxte e fotografias de Fred Lavail



**L**os uòus fecondats los meton a coar dins d'aparelhs apelats incubators. I demòran un mes e mièg. Los uòus espeliràn dins aqueles bacins.




Tanlèu que las trochas seràn pro gròssas, las deslargaràn dins los rius.

### Las etapas de l'evolucion d'un uòu



Après vint jorns



Après trenta jorns



Espelison a quaranta-cinc jorns



Un jorn après la naissença



Dètz jorns après la naissença



Vint-e-cinc jorns après la naissença



Aquel piscicultor trabalha per una federacion de pesca. Per que i aja de peis dins los rius, los cal apeissonar aital.